

RESUMO da RESOLUCIÓN do 28/04/2020 pola que se establecen as bases reguladoras para a concesión de subvencións para a renovación de electrodomésticos e a implantación de domótica enerxética

Obxecto	<p>Concesión de subvencións para a renovación de electrodomésticos e a implantación de domótica enerxética, en réxime de concorrencia non competitiva (art. 1).</p> <p>As solicitudes de axuda resolveranse por orde de entrada no rexistro da solicitude ata o esgotamento do crédito (art. 1).</p> <p>Todos os pagamentos que realice o comprador deben efectuarse durante a vixencia do presente plan (art. 15)</p>
Financiamento	<p>O Plan Renove de electrodomésticos ten asignado un orzamento de 1.350.000€, do cal un 40% está reservado, durante o primeiro mes de apertura do prazo de solicitude, a persoas con condición de consumidores vulnerables ou vulnerables severos. Logo dese mes, reasígnase para cubrir a lista de espera (art. 2).</p>
Vixencia do plan	<p>O plan inicia a súa vixencia a partir do día seguinte hábil ao da súa publicación no Diario Oficial de Galicia e finalizará o 30 de setembro de 2020 ou cando se esgoten os fondos (art. 3).</p>
Regras xerais (art. 2)	<p>Para ter dereito á subvención, as actuacións deberán ser executadas:</p> <ol style="list-style-type: none"> 1. Logo da tramitación da solicitude 2. Dentro da Comunidade Autónoma de Galicia 3. No prazo en que estea en vigor o plan. <p><i>*Os trámites que se realicen entre as partes con anterioridade á presentación da solicitude non garanten a dispoñibilidade de financiamento por parte do Inega para a concesión da subvención</i></p>
Actuacións subvencionables (art. 3)	<p>Plan Renove de electrodomésticos</p> <p>É subvencionable a renovación de electrodomésticos das tipoloxías indicadas a continuación por outros novos da mesma tipoloxía e con etiqueta A+++, sempre que se entregue o electrodoméstico retirado a un xestor autorizado:</p> <ul style="list-style-type: none"> • Frigorífico e frigorífico-conxelador con clasificación enerxética A+++ • Conxelador con clasificación enerxética A+++ • Lavadora A+++ • Lavalouza A+++ • Placas de indución total (é subvencionable a substitución da placa preexistente por outra nova de indución total)

	<p>Instalacións domóticas enerxéticas</p> <p>Son subvencionables as novas instalacións de elementos domóticos enerxéticos citados a continuación e a adaptación das instalacións existentes para a súa integración efectiva</p> <ul style="list-style-type: none"> • Monitorización térmica da vivenda (sensores de humidade, temperatura, CO2 e/ou radon e termóstatos comunicados cun equipamento centralizado) • Monitorización eléctrica da vivenda (medidores de consumo, racionalizadores de potencia, actuadores para a programación de acendidos e fotocélulas comunicados cun equipamento centralizado)
Persoas beneficiarias	<ul style="list-style-type: none"> • Persoas físicas que realicen actuacións nunha vivenda sita en Galicia (art. 7). • Persoas que tramiten a solicitude a través das entidades colaboradoras adheridas (art. 7). • Para a consideración de consumidor vulnerable e vulnerable severo, as persoas deberán cumprir os requisitos do Real decreto 897/2017, do 6 de outubro (o mesmo que aplica ao bono social eléctrico) (art. 9). <p>Os requisitos para obter a condición de persoa beneficiaria deberanse cumprir, como máis tarde, na data límite de remate do prazo de presentación de solicitudes (art. 7).</p>
Incompatibilidade das subvencións	As subvencións serán incompatibles con outras axudas, subvencións ou recursos destinados á mesma finalidade , procedentes de calquera Administración ou entes públicos ou privados, nacionais, da Unión Europea ou de organismos internacionais (art. 4).
Contía máxima das axudas que se outorgará coa convocatoria (art. 9)	<p>Plan Renove electrodomésticos</p> <p>Un beneficiario só poderá recibir axuda para substituír un único electrodoméstico por cada tipoloxía e cun máximo de dous en total.</p> <p>A cantidade da subvención non poderá ser superior ao 25 % do prezo do electrodoméstico para un consumidor xeral, do 50 % para consumidores vulnerables e do 75 % para consumidores vulnerables severos (ver táboa na convocatoria cos prezos máximos).</p> <p>Instalacións domóticas enerxéticas</p> <p>Un beneficiario só poderá recibir axuda de domótica enerxética para unha vivenda. A axuda máxima por cada tipo de equipamento son 500€.</p> <p>A cantidade da subvención non poderá ser superior ao 50% do prezo da instalación, porcentaxe que sobe ata o 65% para consumidores vulnerables e ata o 80% para consumidores vulnerables severos.</p>
Forma e prazo para presentar as solicitudes	<p>O prazo de presentación de solicitudes de axuda comezará:</p> <ul style="list-style-type: none"> • Plan Renove de electrodomésticos: 1 de xullo de 2020 ás 9.00h • Implantación de domótica enerxética: 2 de xullo de 2020 ás 9.00h <p>O prazo rematará o 30 de setembro de 2020 ou cando se esgoten os fondos (art. 4).</p> <p>As solicitudes para a renovación de electrodomésticos e de domótica enerxética presentaranse a través das entidades colaboradoras (art. 3).</p>

	<p>As solicitudes subscribiranas directamente as entidades colaboradoras, as cales aparecerán nunha listaxe publicada na web do Inega (www.inega.gal) e serán presentadas por medios electrónicos (art. 10)</p> <p>Unha vez presentada a solicitude xunto coa autorización para a representación se esta dispón de fondos reservados poderase entender como preconcedida. A partir dese momento poderá presentarse a documentación xustificativa e solicitar o pagamento mediante a presentación do anexo VI (art. 14).</p> <p>Os fondos da axuda se reservarán durante o prazo para a xustificación da axuda. Se nese prazo non se presenta a documentación xustificativa, entenderase que a persoa solicitante desiste da súa solicitude e perderá o dereito, reasignándose o fondo ás solicitudes en lista de espera (art. 10)</p>
<p>Prazo de execución e xustificación da actuación</p>	<p>A data límite para executar o proxecto e presentar a solicitude de pagamento coa documentación xustificativa dos investimentos é de 60 días naturais contados desde o día seguinte ao da presentación da solicitude coa data límite do 30 de setembro de 2020 (art. 23)</p>
<p>Documentación necesaria para a tramitación do procedemento</p>	<p>Anexo IV, incluíndo dixitalmente e en PDF a autorización para a representación segundo o anexo V asinada polo solicitante (tamaño máximo por arquivo individual de 5 MB) (art. 11)</p>
<p>Documentación xustificativa do investimento e solicitude de pagamento (art. 15)</p>	<ul style="list-style-type: none"> • O prazo para presentar os documentos de xustificación é de 60 días naturais contados desde o día seguinte ao da presentación da solicitude coa data límite do 30 de setembro de 2020. • A expedición da factura e o seu contido axustarase ao disposto no Real decreto 1619/2012, do 30 de novembro, polo que se regulan as obrigas de facturación • Non se admitirán os supostos de autofacturación. • En ningún caso poderá concertar o beneficiario a execución total ou parcial das actividades subvencionadas nos supostos recollidos nas letras a), b) e c) do artigo 27.7 da Lei 9/2007, do 13 de xuño, de subvencións de Galicia. • Non se admitirán como xustificantes os documentos acreditativos de pagamento en metálico por importe superior a 1.000 € nin os obtidos a través da internet se non están validados pola entidade bancaria ou non dispoñen de códigos para a súa verificación por terceiros na sede electrónica da dita entidade. • Considéranse documentos xustificativos do pagamento das facturas: transferencia bancaria, xustificante bancario de ingreso de efectivo polo portelo, certificación bancaria, nos cales deberán estar claramente identificados: Destinatario último, Receptor do pagamento, Número de factura obxecto do pagamento

	<p>Plan Renove de electrodomésticos</p> <ol style="list-style-type: none"> 1. Copia da etiqueta enerxética do electrodoméstico adquirido ou, se é o caso, documentación técnica que xustifique que a placa adquirida é de indución total. 2. Copia da factura xustificativa da actuación. 3. Copia do certificado de retirada do electrodoméstico antigo por un xestor autorizado. 4. No caso de consumidores vulnerables deberase achegar copia dunha factura de enerxía eléctrica cunha antigüidade máxima de 3 meses anteriores á data en que se presenta a solicitude de reserva de fondos na cal se poida comprobar que o titular coincide co beneficiario e que é perceptor do bono social. <p>Domótica enerxética</p> <ol style="list-style-type: none"> 1. Copia da factura xustificativa da actuación. 2. Memoria técnica da actuación realizada conforme modelo dispoñible na páxina web do Inega. 3. No caso de consumidores vulnerables deberase achegar copia dunha factura de enerxía eléctrica cunha antigüidade máxima de 3 meses anteriores á data en que se presenta a solicitude de reserva de fondos na cal se poida comprobar que o titular coincide co beneficiario e que é perceptor do bono social.
<p>Resolución de concesión e pagamento</p>	<p>Unha vez avaliada a solicitude inicial e a solicitude de pagamento, a proposta de resolución elevarase ao director do Inega. O procedemento de concesión resolverase no prazo máximo de 3 meses contados desde a data de presentación da solicitude de pagamento e axustarase ao disposto no artigo 34 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, así como ao contido da resolución (art. 16).</p> <p>Unha vez que se dite resolución de concesión e pagamento, o Inega aboará á entidade adherida o importe correspondente na conta bancaria facilitada para tal efecto na solicitude de adhesión (art. 18)</p>
<p>Información aos interesados (art. 5)</p>	<p>Sobre este procedemento administrativo poderase obter documentación normalizada ou información adicional a través dos seguintes medios:</p> <ul style="list-style-type: none"> • Na páxina web do Inega (www.inega.gal) e no correo electrónico inega.info@xunta.gal • No teléfono 981 54 15 00. • Presencialmente, no Inega (rúa Avelino Pousa Antelo, 5, San Lázaro, 15703 Santiago de Compostela), con cita previa no teléfono 981 54 15 00.